

B. N. C
FIRENZE

1 0 7 0

32



XXX

ANON

1814

1070.32

L'ANTI-MAU REGARD,
OV
LE FANTOSME
DV BIEN PVBLIC.



M. D C. XIV.



THE UNIVERSITY OF CHICAGO

THE EAST ASIAN LIBRARY

OF THE UNIVERSITY OF CHICAGO

1070.32

1070.32

L'ANTI-M A V R E G A R D,

O V L E F A N T O S M E D V

bien public.



AVY d'un compareil extase,
 France ie veux monstrier qu'un Ase,
 En bramant ses prediçtions
 Sur le bon-heur des Scorpions,
 Troubla le tien, troubla ton aise,

Qu'un Boüillon de drogue mauuaise
 Composé de simples peu-doux
 De principes, t'esmeut le poux.
 Que la partie fut bien faire?
 Al' Almanach d'un faux Prophete.
 A ses quolibets & Rebus,
 Ainsi qu'au tre-pié de Phœbus,
 Foy l'on adionste, ô chose estrange
 A Paris Mezieres on change,
 Sedan, Soissons, où chacun court,
 Et de Paris s'enfuit la Court,
 Vn Almanach d'un faux Prophete.
 A ses vnis sert de trompette,
 Auengles plus que Mauregard
 Au sort qui à mauuais regard,
 De deuiner faisant merueille,
 Qui n'a peu scauoir qu'à Marseille,
 Il courberoit sous l'auiron,
 C'est vn pauvre fat, vn liron
 Qui s'en repent & qui deteste
 L'art qui la fait mauuais Prophete,
 Ce soit toutesfois à sous-main.

Troublé la foire saint Germain :
 Mais ce Carême en récompense
 Le poisson fut en abondance,
 Car à Sedan loing de la mer
 L'on faisoit marmitte escumer,
 Pour ceste Principale troupe,
 Vray est que iamais bonne souppo
 Vn tel bouillon ne fist iamais:
 Il est le bouillon de la paix,
 Dont les doigts sont autant de pince,
 Vn vieil hableur de ieunes Princes,
 Oeconome fort prouident
 Aux soldats donne cure-dent,
 Qui prendra si bien ses besicles,
 Que faisant de paix les articles,
 De reste on luy debura tousiours,
 En fin ils se trouueront courts
 Tous ceux qui suiuront ces amorces,
 Ne vous fiez pas en vòs forces,
 Les Roys de Paris vont deuant
 Ceux de Soissons, que si au vent
 L'on met les Lys & Lauri-flamme
 L'auguste portraict qui enflamme
 D'Henry le Grand, Sedan, Jameis
 Maudiront leur maistre à iamais,
 Car si l'on croit le bruit qui vole
 Le Duc Lorrain, avec Spinolle
 Se conioignant avec nostre ost,
 Chasseront le Regnard bien tost.
 De sa taigniere sous terraine
 Qui au Vicomtes de Torraine
 N'appartient point, que ce grison
 Retient aux fils de la maison,
 A ceux de la March: mais ô honte

Vn mauvais leurier ne tient conta
 D'enfumer au trou le regnard,
 C'est trop parlé de ce pelard,
 Qui à Saumur moyennant voire,
 Venal trompa le Consistoire,
 Les sages conseils de Mornay:
 Mais un chacun est estoimé,
 Les Parlemens avec les villes
 Ont horreur des guerres ciuiles,
 Les petits noblets mal-contents
 Disent qu'il faut prendre le temps,
 Faire la guerre & sans bataille,
 Sous Roy mineur faire gougaille,
 De la Regence se iouer,
 Et qu'en eau trouble il faut noier.
 A Soissons est la Cour nouuelle,
 Pour le bien public on appelle
 Les Estais, & pour reformer
 La France, il faut contre elle armer:
 Leur estendard a pour deuise
 Le bien public, O Renardise,
 Il se changera à la fin
 En prince, le plus fort & fin,
 En aura la meilleure piece,
 O nostre Dame de Lieffe,
 Que vous deuez scauoir de gré
 Au Duc du Mayne, au lieu sacré,
 Sainte Vierge où l'on vous reuer,
 Son pere en langueur voulut faire
 Ses vœux, & mourant peu apres
 Le Front entouré de Cypres,
 A son fils donna malencontre,
 Si iamais il alloit encontre
 L'estat, le seruice du Roy,

Mais vous direz que c'est arroy,
 Ceste union de tant de Princes,
 N'est que pour le bien des prouinces,
 L'euenement le fera voir,
 Tous ne tendent que d'en auoir,
 Et à cil qui peut plus mal faire,
 Il faut donner plus de salaire,
 Ainsi nous disoit Guericdon,
 En France l'on ne fait guerdon
 Qu'à ceux qui s'attaquent au Louure,
 La grandeur toutes fautes couure,
 Sont ses gros thons qui vont rempan
 Les rets que l'aragne en grim pant
 Ourdist, où les petits demeurent,
 Les coupeurs de bourses en méurent
 Pour auoir couppé les pendants
 Encor qu'il ny eust rien dedans,
 Car le vouloir en malefice
 Est reputé pour la malice.
 O bien Public, O bon vieillard
 Couuert de la peau d'un Renard,
 Combien la Champagne; la Brie,
 Rehetel, Soissons t'innoque & prie,
 Bien Public qui fus au vieil temps
 Le sujet d'armer les Titans
 Contre les Dieux, fils de Pandore,
 Il faut que la main on te dore
 Pour te faire quitter le fer,
 Il faudroit pour en triompher
 Un Loys unze qui fist trefue,
 Non un Roy mineur, une vensue
 A qui le bien public court sus,
 Mais tous deux auront le dessus,
 Car les enfans deuenient hommes.

Et les affaires où nous sommes
 Viendront à Paris de Soissons,
 Bien Public nous te benissons:
 Car pour appaiser ceste noise,
 Il faut bailler le fore d'Amboise,
 Pour tenir Loire sous le jou,
 Poictou, la Touraine, & l'Anjou,
 Et pour escauer la Garonne
 Faut qu'une trompette on leur donne,
 Dont le son enroué bien tost
 Feroit amasser un grand ost,
 Qui donneroit longue vacance
 A un des Parlemens de France,
 Lequel à la Royne a rescrit,
 Qui ne veut pas son droict escrit
 Au droict Canon & de bombardes
 Sous-mettre, pour auoir nazardes
 Des trompeurs, lesquels trop près
 Corneroient plus haut que les arrests,
 Pour faire renguainer l'espee,
 Il leur fait la franche lippee,
 Et leur conter des millions,
 Pour soudoyer leurs legions.
 Je suis d'aduis tout qu'on leur baille,
 Sauf par apres la represaille,
 Et le droict de reuerfion,
 Que si ceste submission,
 Ne leur suffist, il faut conquerre
 A la fin la paix par la guerre,
 Et que tous soyons recueillis
 Dessous la banniere du Lys,
 Le Pape, Le Roy d'Iberie,
 Mainte estrangere seigneurie,
 Faisant l'effeet de tuteurs,

D'un mineur seront protecteurs,
 Afin qu'on ne leur impropere
 Que des benefices du Pere,
 Ils sont ingrâts, O Holandois,
 Au fils du grand Henry tu dois
 Secours, au fils & à la vefue,
 Car il te procura la trefue
 Par son Ianus, Nestor prudent,
 L'estranger nous ira gardant
 Sa foy, seulement, chose estrange,
 Les François qui ayment le change
 Auront l'eternel des-honneur
 De guerroyer un Roy mineur:
 Craignez vous point que nos Annalles
 Racontent, ames desloyalles,
 De vostre mere ingrâts enfans,
 Que vous auez rompu les flancs,
 Comme les vipereaux froissent
 Ceux de leur mere, quand ils naissent,
 La vergongne & le repentir
 Vous fera bien tost ressentir,
 Que vous auez pris les liZieres
 Pour le bon drap. Soissons, Mezieres,
 Pour Paris, & qu'estes au rouet,
 Ayant pris un mauuais brouet.

Je n'entends François ny Latin,
 Mais si ay-je appris au lettré ..
 Ceux contre un Roy qui s'armeront,
 Que partes vulpium erunt.



MC

